

Siunnersuummut nassuiaatit

### **Nassuiaatit nalinginnaasut**

#### **1. Aallarniut**

Siunnersuutip matuma siunertaraa Kukkunersuinermit Ataatsimiititaliap piginnaatitaanera aamma paasissutissanik atortussanillu pissarsisinnaatitaanera pillugit Inatsisartut aamma Naalakkersuisut pillugit inatsisartut inatsisaanni aalajangersakkat erseqqissarneqarnissaat.

Siunnersuutip saqqummiunneqarneranut tunngaviuvoq 2020-mut nipsisattassiissutinik Naalakkersuisut qaffaanerannut atatillugu peqataasinnaanermik misissuinermit Kukkunersuinermit Ataatsimiititaliap oqaluuserinninneranut atatillugu Naalakkersuisunit atortussanik tunineqarnissaminik ataatsimiititaliap piumasaqarsinnaanera, taamatullu aamma peqataasinnaanermik apeqqummik oqaluuserinninnissamik ataatsimiititaliap piginnaatitaanera apeqqusermassuk.

Ataatsimiititaliap nalunaarutaa 7. september 2020-meersoq Naalakkersuisullu § 37 malillugu apeqqummut nr. 161/2020-mut akissuteqaataat ilanngussartalik innersuussutigineqarput.

Nalorngissuteqarneq isumaqarnarpoq annerusumik Kukkunersuinermit Ataatsimiititaliap inatsisit eqqarsaatigalugit isornarsinnaasunik kukkunersuilluni misissuinermit taaneqartartunik aallartitsisinnaanermut oqaluuserinnissinnaanermulluunniit, taamatullu aamma tamatumunnga atatillugu paasissutissanik atortussanillu pissarsiniarsinnaanermut piginnaatitaaneranut attuumassuteqartoq.

Kukkunersuinermit Ataatsimiititaliap piginnaatitaanera aamma paasissutissanik atortussanillu pissarsisinnaatitaanera eqqarsaatigalugit nalorngissuteqarnerit suugaluartulluunniit naleqqutinngilluinnarput, nakkutilliisussaatitaaneq ataatsimiititaliap isumagisassarisa taamatullu aamma Inatsisartut Naalakkersuisullu akornanni ingerlalluartumik suleqatigiinnissaq eqqarsaatigalugit. Taamaattumik Inatsisartut Siulittaasoqarfiata tamatumunnga inatsisiliornikkut killiliussat sapinngisamik piaarnerpaamik erseqqissarneqarnissaat pisariaqartissimavaa.

Siunnersuutikkut erseqqissarneqarpoq:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1 naapertorlugu Nunatta Karsiata naatsorsuutaanik taakkunungalu kukkunersuiisup oqaaseqaataanik ataatsimiititaliap ukiumoortumik misissuataarinnettarnernanut inatsisit eqqarsaatigalugit isornarsinnaasunik kukkunersuineq eqqarsaatigalugu kukkunersuiisup oqaaseqaatai aamma ilaasut.
- Ataatsimiititaliaq tamatuma saniatigut qaqugukkulluunniit ingerlatsinermik kukkunersuinerimik aallartitsiinnarani oqaluuserinniinnarluniluunniit, kisianni aamma inatsisit eqqarsaatigalugit isornarsinnaasunik kukkunersuilluni misissuinerimik aallartitsillunilu oqaluuserinnissinnaasoq.
- Ataatsimiititaliap kukkunersuiisup Inatsisartut toqqagaat tamatuminnga qinnuiginnikkaluarlugu atortussanik pissarsiniarsinnaatitaanera Nunatta Karsiata naatsorsuutaanik taakkunungalu kukkunersuiisup oqaaseqaataanik ataatsimiititaliap ukiumoortumik misissuataarinerneranut atuuttoq taamatullu aamma ingerlatsinermik kukkunersuilluni misissuinerit aamma inatsisit eqqarsaatigalugit isornarsinnaasunik kukkunersuilluni misissuinerit ataatsimiititaliap aallartitai oqaluuserisaaluunniit eqqarsaatigalugit atuulluni.
- Naalackersuisut ataatsimiititaliap qinnuteqarneratigut pisussaaffeqartut atortussat suogaluartulluunniit ataatsimiititaliap suliassaminik isumaginninneranut pingaarutillit tunniunnissaannut.

## **2. Siunnersuummi immikkoortut pingarnerit**

*2.1. Kukkunersuinerimut Ataatsimiititaliap inatsisit eqqarsaatigalugit isornarsinnaasunik kukkunersuilluni misissuinerimik aallartitsisinnaanerminut oqaluuserinnissinnaanerminullu piginnaatitaanera*

*2.1.1. Inatsiseqartitsinikkut pissutsit atuuttut*

Inatsisartut Naalackersuisullu pillugit Inatsisartut inatsisaanni § 18, imm. 1, oqaaseqatigiinni siullerni aalajangersarneqarpoq Kukkunersuinerimut Ataatsimiititaliap Nunatta Karsiata naatsorsuutai kukkunersuiisullu taakkunungala oqaaseqaataat ukiumut ataasiarluni misissortassagai, naatsorsuutillu pisariaqalersitaannik Naalackersuisunut apeqquteqarlunilu oqaaseqarfiginnittassalluni.

Tamatuma saniatigut § 18, imm. 2, oqaaseqatigiinni siullerni aalajangersarneqarpoq ataatsimiititaliap nalilersinnaagaa suliffeqarfiit imm. 1 malillugu kukkunersuinerimut

ilaasut aningaasaataasa aqunneqarneranni suliffeqarfiillu ingerlanneqarneranni aningaasanut tunngasut naapertuuttumik isiginiarneqarsimanersut ("Ingerlatsinermik kukkunersiuinermik" taaneqartartoq).

Inatsisartut Naalakkersuisullu pillugit inatsisartut inatsisaat maannamut inatsisit eqqarsaatigalugit isornarsinnaasunik kukkunersiuilluni misissuinerit, tassa iliuutsit naatsorsuutit saqqummiunneqarnerinut ilaatinneqartut aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasunut nalinginnaasumillu suleriaatsimut naapertuuttuunerinik misissuinerit, Kukkunersiuinermut Ataatsimiititaliap aallartitsisinnaanerani oqaluuserinnissinnaanerani inatsisitigut tunngavissamik erseqqissumik imaqaarsimangilaq. Taamaattorli § 18, imm. 1, oqaaseqatigiinni siullerni erserpoq Nunatta Karsiata naatsorsuutaasa misissuataarnissaat ataatsimiititaliap suliassarigaa, taamatullu aamma Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm, 1-ip malitsigalugu Nunatta Karsiata naatsortuutaasa kukkunersiorneqarnerannut inatsisit eqqarsaatigalugit isornarsinnaasunik kukkunersiuineq ilaammat.

Kukkunersiuinermut Ataatsimiititaliap maannamut sulinermini inatsisit eqqarsaatigalugit isornarsinnaasunik kukkunersiuilluni misissuinerit arlalinnik aallartitsillunillu inatsisit oqaluuserinnittarsimavoq. Assersuutit taaneqarsinnaapput attartumit piginnittumut aqqissuussinermik misissuineq (2008), GreenGems Aps-ip akuersissummik qinnuteqaataanik Namminersorlutik Oqartussat sularinninnerannik misissuineq (2011), avaleraasartassiissutinik Naalakkersuisut agguaanerannik misissuineq (2015), ilaasunik angallassineq eqqarsaatigalugu kiffartuussinissamik isumaqatigiissuteqarnermut suleriaatsimik misissuineq (2017) aamma nipisattassiissutinik Naalakkersuisut qaffaanerannut atatillugu peqataasinnaanermik misissuineq.

Ingerlatsinermik kukkunersiuilluni misissuinerit aamma inatsisit eqqarsaatigalugit isornarsinnaasunik kukkunersiuilluni misissuinerit Kukkunersiuinermut Ataatsimiititaliamit aallartinneqartut ataatsimut "Ingerlatsinermik kukkunersiuilluni misissuinerit annertusisatut" imaluunniit "Misissuinerit annertunerusutut" taaneqakkajupput.

Kukkunersiuinermut Ataatsimiititaliap aallaavitut misissuinerit taamaattut kukkunersiuisoq Inatsisartut toqqagaat aqutigalugu aallartittarsimavaat. Taamaattorli inatsisit eqqarsaatigalugit isornarsinnaasunik kukkunersiuilluni misissuinerit eqqarsaatigalugit pisuni ataasiakkaani eqqartuussissuserisoq aqutigalugu misissuinerit aallartitsisarsimapput. Taamaallunni ataatimiititaliap assersuutigalugu 2008-mi najukkami eqqartuussissuserinermik

suliffeqarfik aqqutigalugu attartortumit piginnittumut aqqissuussinermik misissuineramik 2011-imilu GreenGems Aps-ip akuersissummik qinnuteqaataanik (kiisalu Greenland Venture A/S-ip suliffeqarfimmi tassani peqataaneranik) Namminersorlutik Oqartussat suliarinninnerannik misissuineramik aallartitsisarsimavoq.

Ataatsimiititaliap ulluinnarni sulinerani taamatuttaaqaq naatsorsuutigineqarsimavoq, ataatsimiititaliap nassuiaatit, nalunaarusiat immikkullu ilisimasalinnit naliliinerit il.il. ataatsimiititaliap nammineq kukkunersuiisumut Inatsisartut toqqagaannut immaqaluunniit eqqartuussissuserisumut suliaritissimasai kisiisa tunngavigalugit pissutsinik nalilersuisassanngitsoq. Ataatsimiititaliap taamaalilluni pisuni ataasiakkaani nassuiaatit, nalunaarusiat immikkullu ilisimasalinnit naliliinerit il.il. Naalakkersuisut kukkunersuiisumut Inatsisartut toqqagaannut eqqartuussissuserisumulluunniit suliaritissimasaat tunngavigalugit pissutsinik nalilersuisarsimavoq.

Taamaalilluni Kukkunersuiinermut Ataatsimiititaliap 2015-imi ukioq taanna avaleraasartassiissutinik Naalakkersuisut agguataarisimanagerat eqqarsaatigalugu inatsisit eqqarsaatigalugit isornarsinnaasunik kukkunersuiilluni misissuineramik ingerlataqarsimavoq. Kukkunersuiilluni misissuineq Naalakkersuisunit aallartinneqarpoq kukkunersuiisumillu Inatsisartunit toqqarneqartumit ingerlanneqarluni. Ataatsimiititalip taamatuttaaqaq 2020-mi ukioq taanna nipisattassiissutinik Naalakkersuisut qaffaanerannut atatillugu peqataasinnaaneq pillugu immikkut ilisimasalimmit naliliineq oqaluserisimavaat. Immikkut ilisimasallip naliliinera pineqartoq Naalakkersuisut taamaalioqqusineratigut eqqartuussissuserisut suliffeqarfiannit Poul Schmidtimit (naalagaaffiup eqqartuussissuserisuanit) suliarineqarsimavoq.

### *2.1.2. Siulittaasoqarfiup isumaliutai*

Inatsisit eqqarsaatigalugit isornarsinnaasunik kukkunersuiineq, tassa iliuutsit aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasanut nalinginnaasumillu suleriaatsimut naapertuuttuunerannik naliliineq, Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1 malillugu Kukkunersuiinermut Ataatsimiititaliap suliassaanut ilaasoq maannamut naatsorsuutigineqarsimavoq.

Naatsorsuutiginninnerli tamanna maanna apeqquserneqarsorinarpoq. Tamatumani ataatsimiititaliap nalunaarutaa 7. september 2020-meersoq Naalakkersuisullu § 37 malillugu apeqqummut nr. 161/2020 akissutaat ilanngussartalik innersuussutigineqarput.

Siulittaasoqarfik isumaqarpoq inatsisit eqqarsaatigalugit isornarsinnaasunik kukkundersiueq  
Kukkundersiuermut Ataatsimiititaliap suliassaanut suli ilaasariaqartoq.

Inatsisit eqqarsaatigalugit isornarsinnaasunik kukkundersiuerup pingaarnertut siunertaraa:

- malittarisassanik unioqqutitsinerit paasineqartarnissaat pisortallu ingerlatsinerata paasiuminartuunissaanut peqataanissaq
- ingerlatsiviit aalajangiinerisa inatsisinut naapertuunnerannik inuiaqatigiit innuttaasullu ataasiakkaat qularinninnginnerat annertusassallugu
- malittarisassat aalajangersarneqarsimasut eqqortumik aqunneqarnerannik inatsisiliortut oqartussallu ingerlatsiviusut qularinninnginnerat annertusassassallugu
- malittarisassanik unioqqutitsinernik pinngitsoortitseqataasinnaasunik kaammattuuteqartassalluni paasissutissanilluunniit qaqitsisassalluni.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1, oqaaseqatigiit siulliit 1. januar 2018-imi atuutilernerisigut kukkundersiuisoq Inatsisartut toqqagaat pisussaaffilerneqarpoq pisortani kukkundersiuermi ileqqussat pitsaasut, tassa nunat tamalaat akornanni najoqqutassat malillugit kukkundersiuermi najoqqutassat tunngaviusut, naapertorlugit Nunatta Karsiata naatsorsuutaanik kukkundersiuisarnissamik.

Matuma malitsigaa kukkundersiuisup Inatsisartut toqqagaata ukiumoortumik naatsorsuutininik kukkundersiueranut atatillugu kukkundersiuisoq pisussaaffeqarmat qulequttanik toqqakkanik inatsisit eqqarsaatigalugit isornarsinnaasunik kukkundersiuermik ingerlatsinissaminut.

Tamanna aamma Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1, oqaaseqatigiit aappaata malitsigaa.

Inatsisit eqqarsaatigalugit isornarsinnaasunik kukkundersiueq, aningaasanut tunngasunik kukkundersiueq ingerlatsinermillu kukkundersiueq assigalugit, taamaalilluni kukkundersiuermik suliassap ilagilluinnarpaa, tamannalu Siulittaasoqarfiup isumaa malillugu Kukkundersiuermut Ataatsimiititaliap piginnaatitaanerani ersersinneqartariaqarpoq.

Kukkundersiuermut Ataatsimiititaliaq taamaalillu suli periarfissaqartariaqarpoq misissuinerinik, ingerlatsinermik kukkundersiuerinertut taamatullu aamma inatsisit eqqarsaatigalugit isornarsinnaasunik kukkundersiuerinertut, aallartitsisarnissaminut.

Ataatsimiititaliap missuinerik taamaattunik kukkuneruisoq Inatsisartut toqqagaat aqqutigalugu aallartitsisarnissaa suli aallaaviusariaqarpoq. Inatsisit eqqarsaatigalugit isornarsinnaasunik kukkuneruiilluni misissuinerilli piumasaqaatitaqarsinnaammata inatsisit eqqarsaatigalugit isornarsinnaasunik kukkuneruinerimi inatsilerinerimut tunngasunik immikkut ilisimasaqarnissamik, kukkuneruisumit Inatsisartut toqqagaannit tamatigut pigineqartussatut naatsorsuutigineqarsinnaanngitsumik, Siulittaasoqarfik isumaqarpoq Kukkuneruinerimut Ataatsimiititaliaq periarfissaqartuartaqartoq kukkuneruisup Inatsisartut toqqagaata saniatigut allanik misissuisitsisarsinnaanissaminua.

Siulittaasoqarfik taamatuttaaq isumaqarpoq nalunaarusiat il.il. (ataatsimiititaliaanngitsup, kisiannili) Naalakkersuisut kukkuneruisumit Inatsisartunit toqqarneqarsimasumit Naalakkersuisunullu pituttorsimannngitsumit suliaritissimasai tunngavigalugit pissutsinik nalilersuisarnissamat Kukkuneruinerimut Ataatsimiititaliaq suli periarfissaqartuartaqartoq.

Nassuiaatit, nalunaarusiat immikkullu ilisimasalinnit naliliinerit il.il. Naalakkersuisut allanut kukkuneruisumut Inatsisartunit toqqagaanngitsunut suliaritissimasaat tunngavigalugit ataatsimiititaliap pissutsinik nalilersuisinnaajunnaarnissaa Siulittaasoqarfiup taamatuttaaq kissaatiginartinnngilaa.

Siulittaasoqarfiup nalunngilluinnarpaa tunngaviusumik eqqarsarnartoqarsinnaammata inatsisartutigoortumik ataatsimiititaliap nakkutilliinissamat akisussaasuusup pissutsinik oqaluuserinninnera, suliamut atatillugu naliliinerit, Naalakkersuisunit kukkuneruisoq Inatsisartut toqqagaat (Naalakkersuisunullu pituttorsimannngitsaq) avaqqullugu pissarsiarineqarsimasut tunngavigalugit pissappat. Tamanna minnerunngitsumik atuuppoq Inatsisartut nalilersuinerimut atatillugu suliassaritanut sunniuteqartinneqarsimannngippatta imalunniit suliami paasissutissat attuumassutillit tamarmik suliamut atatillugu naliliinerimi tunngavinnut ilaatinneqarsimanerat qularnaarneqarsimannngippat.

Taamaattorli Siulittaasoqarfik isumaqarpoq nalilinnik asiutitsinermik isiginninnerit oqariartuutigigaat misissuinerit (Nunattalu Karsianit akilerneqarsimasut) pigineqareersut, kukkuneruisorlu Inatsisartut toqqagaat avaqqullugu Naalakkersuisunit pissarsiarineqarsimasut tunngavigalugit pissutsinik oqaluuserinnissinnaaneramik Kukkuneruinerimut Ataatsimiititaliaq tamakkiisumik mattutinngikkaat.

Taamaalilluni ataatsimiititaliap nammineq nalilersinnaasariaqarpaa suliamut atatillugu naliliineq Naalakkersuisunit suliaritinneqarsimasoq pissutsinik pineqartunik ataatsimiititaliap suliarinninneranut tunngavissaanersoq naleqquttoq naammattorlu. Taamaattoqannngippat ataatsimiititaliaq nammineq kukkuneruiilluni misissuinerimik aallartitsisariaqarpoq.

### *2.2.3. Siunnersuut*

Siunnersuutikkut Kukkunersiuinermut Ataatsimiititaliap qaqugukkulluunniit ingerlatsinermik kukkunersiuilluni misissuineriniinnaanngitsoq, kisiannili aamma inatsisit eqqarsaatigalugit isornarsinnaasunik kukkunersiuilluni misissuinerinik aallartitsillunilu oqaluuserinnissinnaanera erseqqissummik inatsisikkut tunngavissinneqarpoq.

Misissuinerit taamaattut aallartinneqarsinnaassapput tamatuminnga qinnuteqarluni ataatsimiititaliap kukkunersiuismut Inatsisartut toqqagaannut saaffiginnissuteqarneratigut. Taamaattorli – maannamut suleriaasiusoq naapertorlugu – ataatsimiititaliap allamik aamma periarfissaqarpoq, tassalu eqqartuussissuserisoq inatsisilerinermilluunniit immikkut ilisimasalik alla aqqutigalugu misissuinerinik aallartitsissalluni. Tamanna pingaartumik inatsisit eqqarsaatigalugit isornarsinnaasunik kukkunersiuilluni misissuinerit eqqarsaatigalugit periarfissaasinnaavoq.

Ataatsimiititaliap – maannamut suleriaasiusoq naapertorlugu – taamatuttaaq pissutsit nassuiaatit, nalunaarusiat immikkullu ilisimasalinnit naliliinerit il.il. Naalackersuisunit assersuutigalugu kukkunersiuismut Inatsisartut toqqagaannut eqqartuussissuserisumulluunniit suliaritissimasaat tunngavigalugit nalilersorsinnaassavai.

Siunnersuummi taamatuttaaq erseqqissarneqarpoq, ataatsimiititaliap – maannamut suleriaasiusoq naapertorlugu – nassuiaatit, nalunaarusiat immikkullu ilisimasalinnit naliliinerit il.il. ataatsimiititaliap ingerlatsinermik kukkunersiuilluni misissuinerinut imaluunniit inatsisit eqqarsaatigalugit isornarsinnaasunik kukkunersiuilluni misissuinerinut atatillugu suliaritissimasaasa imaluunniit oqaluuserisassatut aalajangiussimasaasa oqaaseqarfiginissaannut Naalackersuisut periarfississagaat.

Kiisalu siunnersuummi erseqqissarneqarpoq ataatsimiititaliap, ataatsimiititaliap tamanna pisariaqartippagu, ingerlatsinermik kukkunersiuilluni misissuinerit imaluunniit inatsisit eqqarsaatigalugit isornarsinnaasunik kukkunersiuilluni misissuinerit pillugit Inatsisartunut ilisimatitsissuteqarsinnaasut Nunatta Karsiata naatsorsuutai pillugit isumaliutissiissuteqarnissaq utaqqinngikkaluarlugu. Tamanna aamma ullumimut suleriaasiusumut naapertuuppoq.

## *2.2. Kukkunersiuinermut Ataatsimiititaliap Naalackersuisunit paasissutissanik atortussanillu pissarsiniarsinnaatitaanera*

### *2.2.1. Inatsiseqartitsinikkut pissutsit atuuttut*

---

UKIU 2021/ 134

Suliaq nr.: 01.25.01/21VM-LABU-00134

Inatsisartut Naalackersuisullu pillugit Inatsisartut inatsisaanni § 18, imm. 1, oqaaseqatigiinni siullerni aalajangersarneqarpoq Kukkunersiuinermut Ataatsimiititaliap suliaminut atugassatut atortussat pisariaqartut, naatsorsuutininut uppersaatait, nalunaarusiat il.il. oqartussamit naatsorsuuserisumit piniarsinnaagai.

Ataatsimiititaliap sulinera eqqarsaatigalugu Inatsisartut inatsisaanni tassani § 18, imm. 1, oqaaseqatigiinni siullerni aalajangersarneqarpoq ataatsimiititaliap nunatta karsiata naatsorsuutai kukkunersiuusullu taakkununga oqaaseqaataat ukiumut ataasiarluni misissortassagai, naatsorsuutillu pisariaqalersitaannik Naalackersuisunut apeqquteqarlunilu oqaaseqarfiginnittassalluni. Tamatuma saniatigut § 18, imm. 2, oqaaseqatigiinni siullerni aalajangersarneqarpoq ataatsimiititaliap nalilersinnaagaa suliffeqarfiit imm. 1 malillugu kukkunersiuinermut ilaasut aningaasaataasa aqunneqarneranni suliffeqarfiillu ingerlanneqarneranni aningaasanut tunngasut naapertuuttumik isiginiarneqarsimanersut.

Ataatsimiititaliap atortussanik pissarsiniarsinnaanera pillugu Inatsisartut Naalackersuisullu pillugit Inatsisartut inatsisaanni § 18, imm. 3, oqaaseqatigiit siulliit Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 40-mik tapertaqartinneqarput, Inatsisartut inatsisaanni tassani § 39-mut sanilliullugit.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 40-mi aalajangersarneqarpoq Naalackersuisut paasissutissanik suqaluartunik naatsorsuutit naliliiffiginissaannut pisariaqartinneqartunik kukkunersiuusunut nalunaaruteqartassasut.

Inatsisartut inatsisaanni aamma tassani § 39, imm. 1-imi aalajangersarneqarpoq Nunatta Karsiata naatsorsuutai pisortani kukkunersiuinermi ileqqussat pitsaasut naapertorlugit kukkunersiuusup kukkunersiortassagai, tamatumunngalu ilanngullugu Nunatta Karsiata naatsorsuusiornerni atortui isornartorsiuusumik misissortassallugit. Kukkunersiuusup ilaatigut naatsorsuutit eqqortuunersut misissortassavai, taamatullu aamma pissutsit naatsorsuutininut saqqummiussinermi pineqartut aningaasaliissutinut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunnersut misissortassallugit.

Kiisalu Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 38, imm. 2-mi aalajangersarneqarpoq kukkunersiuusup Inatsisartut kukkunersiuinermut tunngatillugu piunasaqaataanik malinnissasoq, piunasaqaatit inatsimmut aamma pisortani kukkunersiuinermi ileqqussanut pitsaasunut akerliunngippata.



Kukkunersiuinermut Ataatsimiititaliaq taamaalilluni aamma periarfissaqarpoq kukkunersuiisoq Inatsisartut toqqagaat aqcutigalugu ”paasissutissanik suugaluartunik naatsorsuutit naliliiffiginissaannut pisariaqartinneqartunik” pissarsiniarnissaminut, iliutsit naatsorsuutit saqqummiussinermut ilaatinneqartut aningaasaliissuteqarnermi tunngavigineqartunut, inatsisinut peqqussutinullu allanut il.il. naapertuunnerannik misiliineq ilanngullugu.

Kukkunersuiisoq Inatsisartut toqqagaat aalajangersakat taakku inatsisitigut tunngavigalugit ingerlatsinermik kukkunersuiilluni misissuineranut aamma inatsisit eqqarsaatigalugit isornarsinnaasunik kukkunersuiilluni misissuineranut ataatsimiititaliaq suliniuteqarneratigut aallartinneqartunut, inatsisit eqqarsaatigalugit isornarsinnaasunik kukkunersuiilluni misissuinerit eqqarsaatigalugit kingullermik 2017-imi (Ilaasunik angallassineq eqqarsaatigalugu kiffartuussinissamik isumaqatigiissuteqarnermut suleriaaseq), atatillugu Naalakkersuisunit atortussanik pissarsiniartarpoq.

Maannamut naatsorsuutigineqarsimavoq Kukkunersiuinermut Ataatsimiititaliaq Inatsisartut Naalakkersuisullu pillugit Inatsisartut inatsisaanni § 18, imm. 3, oqaaseqatigiit siulliit inatsisitigut tunngavigalugit aamma kukkunersuiisumit Inatsisartut toqqagaannit ikiorneqaratik atortussanik ingerlatsinermik kukkunersuiilluni misissuinerit aamma inatsisit eqqarsaatigalugit isornarsinnaasunik kukkunersuiilluni misissuinerit atugassanik Naalakkersuisunit pissarsiniarsinnaatitaasoq.

Aalajangersagaq kukkunersuiilluni misissuinermit aallartitsinissaq pissutissaqarneris imaluunniit misissuineq Naalakkersuisunit aallartinneqarsimavoq pissutsinik pineqartunik ataatsimiititaliaq oqaluuserinninneranut tunngavigissallugu naleqqunnersoq naammannersorluunniit paasiniarlugu suliaq aallartisarneqarnerani pingaartumik namminerisaminik isumaqarsimavoq.

Tamatumunnga ilanngullugu aalajangersagaq namminerisaminik isumaqarsimavoq ataatsimiititaliaq inatsisit eqqarsaatigalugit isornarsinnaasunik kukkunersuiilluni misissuinermit allanut kukkunersuiisumit Inatsisartut toqqagaannuunngitsoq ingerlatassanngortitsisimatillugu, soorlu tamanna ass. 2008-mi (Attartortumit piginnittumut aqqissuussineq) 2011-milu (GreenGems Aps-ip akuersissummik qinnuteqaataanik Namminersorlutik Oqartussat suliarinninnerannik misissuineq) pisimasoq.

Taamaattorli aamma naatsorsuutigineqarsimavoq aalajangersagaq atorneqarsinnaasoq kukkunersuiilluni misissuinermit atatillugu ataatsimiititaliaq paasissutissanik

atortussanilluunniit ilassutaanik pissarsinissani kissaatigippagu, soorlu aamma Nunatta Karsiata naatsorsuutaasa ataatsimiititaliami oqaluuserineqarnerinut atatillugu aalajangersagaq atorpeqarsinnaasoq.

Taamaalilluni ataatsimiititaliaq ass. 2015-imi avaleraasartassiissutit agguataarneqarnerannik inatsisit eqqarsaatigalugit isornarsinnaasunik kukkunersiuilluni misissuinermik, ukioq taanna Naalackersuisunit kukkunersuiusumut Inatsisartut toqqagaannut suliaritinneqartumik, ataatsimiititaliap oqaluuserinninneranut atatillugu Naalackersuisunit atortussanik ilassutaasunik pissarsiniarsimavoq.

Nunatta Karsiata naatsorsuutaasa ataatsimiititaliami oqaluuserineqarnerinut atatillugu aamma ataatsimiititaliaq pisuni arlalinni atortussanik Naalackersuisunit pissarsiniartarsimavoq, taamaalilluni ass. 2012-imi (Napparsimasut angalanerinut aningaasartuutunik nalilersuilluni misissueqqissaarnek), 2015-imi (Aviisinut nuna tamakkerlugu saqqummersartunut tapiissutinik tunniussinnginnissamik Naalackersuisut aalajangernerata inatsisinut naapertuunneranik namminerisamik inatsisilerinikkut naliliineq) 2019-imilu (Pissutsinik sillimmasiisarnernut tunngasunik nalilersuilluni misissueqqissaarnek).

#### *2.2.2. Siulittaasoqarfiup isumaliutai*

Maannamut naatsorsuutigineqarsimavoq Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1 malillugu inatsisit eqqarsaatigalugit isornarsinnaasunik kukkunersiuineq Kukkunersiuinermut Ataatsimiititaliap suliassaasa ilagigaat, taamaattumillu aamma Inatsisartut Naalackersuisullu pillugit Inatsisartut inatsisaanni § 18, imm. 3, oqaaseqatigiit siulliit ataatsimiititaliamik periarfissiisut kukkunersuiusumit Inatsisartut toqqagaannit ikiorneqaratik inatsisit eqqarsaatigalugit isornarsinnaasunik kukkunersiuinermit atugassanik Naalackersuisunit atortussanik pissarsiniarsinnaanermut.

Naatsorsuutiginninnerli tamanna maanna apeqquserneqarsorinarpoq. Tamatumani ataatsimiititaliap nalunaarutaa 7. september 2020-meersoq Naalackersuisullu § 37 malillugu apeqqummut nr. 161/2020 akissutaat ilanngussartalik innersuussutigineqarput.

Siulittaasoqarfik isumaqarpoq Kukkunersiuinermut Ataatsimiititaliaq nakkutilliinermik suliaq ataatsimiititaliap isumagisaa eqqarsaatigalugu atortussanik suugaluartulluunniit Nunatta Karsiata naatsorsuutaasa kukkunersiorneqarnerannut pingaarutilinnik pissarsinnaajuartariaqartoq, aningaasanut tunngasunik kukkunersiuineq, ingerlatsinermik

kukkunersiuneq imaluunniit inatsisit eqqarsaatigalugit isornarsinnaasunik kukkunersiuneq pineqarnersoq apeqqutaatinnagit.

Siulittaasoqarfik aamma isumaqarpoq Kukkunersiunermit Ataatsimiititaliaq atortussanik taamaattunik suugaluartunilluunniit pissarsiniarsinnaajuaannartariaqartoq, kukkunersiuisoq Inatsisartut toqqagaat aqqutiginnikkaluarlugu.

Kukkunersiuisumit Inatsisartut toqqagaannit ikiorneqarani ataatsimiititaliap atortussanik pissarsiniarsinnaanera pingaartumik pingaaruteqarsinnaavoq kukkunersiulluni misissuinermit aallartitsinissaq pissutissaqarnersoq imaluunniit misissuineq Naalackersuisunit aallartinneqarsimasoq pissutsinik pineqartunik ataatsimiititaliap oqaluuserinninneranut tunngavigissallugu naleqqunnersoq naammannersorluunniit paasiniarlugu suliap aallartisarneqarnerani.

### *2.2.3. Siunnersuut*

Siunnersuutikkut Naalackersuisut erseqqilluinnartumik pisussaaffilerneqarput Kukkunersiunermit Ataatsimiititaliap qinnuteqarneratigut paasissutissat atortussallu, ataatsimiititaliap suliasamik ataatsimiititaliap isumaginninneranut pingaarutillit, suugaluartulluunniit ataatsimiititaliamut nalunaarutigisassallugit tunniuttassallugullu, Nunatta Karsiata naatsorsuutaasa ataatsimiititaliamit misissuataarneqarnerannut atatillugu, taamatullu aamma ingerlatsinermik kukkunersiulluni misissuinerit aamma inatsisit eqqarsaatigalugit isornarsinnaasunik kukkunersiulluni misissuinerit, ataatsimiititaliap aallartinniarlugit oqaluuseriniarlugilluunniit isumaliutigisai aallartitaaluunniit eqqarsaatigalugit.

### *2.3. Inatsimmik atuuttumik allannguutissatullu siunnersuummik sanilliussineq*

<b>Siunnersuut inatsimmik atuuttumut sanilliullugu</b>	
<i>Oqaasertaliinerit atuuttut</i>	<i>Allannguutissatut siunnersuut</i>
	<b>§ 1</b> Inatsisartut Naalackersuisullu pillugit Inatsisartut inatsisaanni nr. 26-imi, 18. november 2010-meersumi, Inatsisartut inatsisaatigut nr. 12, 29. november 2013-meersukkut, Inatsisartut inatsisaatigut nr. 30,

	<p>9. december 2015-imeersukkut aamma Inatsisartut inatsisaatigut nr. 2, 29. maj 2020-meersukkut allanngortinneqartumi, uku allanngortinneqassapput:</p>
<p><b>§ 18.</b> Nunap karsiata Naatsorsuutaasa Kukkunersiorneqartarnerannut Ataatsimiititaliap nunap karsiata naatsorsuutai kukkunersiuisullu taakkununnga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni. Apeqqutit oqaaseqaatillu Naalakkersuisut akissutaat ilanngullugit Inatsisartunut saqqummiunneqassapput.</p> <p><i>Imm. 2.</i> Ataatsimiititaliap nalilersorinnaavaa suliffeqarfiit imm. 1 malillugu kukkunersiuinermut ilaasut aningaasaataasa aqunneqarneranni suliffeqarfiillu ingerlanneqarneranni aningaasanut tunngasut naapertuuttumik isiginiarneqarsimanersut. Nassuiaatit, nalunaarutit il.il. nalilersuinermit atugassatut suliarineqarsimasut tiguneqarnermik kinguninngua ilisimatitsissutitut Naalakkersuisunut nassiunneqassapput.</p> <p><i>Imm. 3.</i> Ataatsimiititaliap suliament atugassatut atortussat pisariaqartut, naatsorsuutitut uppersaatit, nalunaarusiat il.il. oqartussamit naatsorsuuserisumit piniarsinnaavai. Ataatsimiititaliamut ilaasortat arlaata kissaatigippagu paasissutissat taaneqartut ataatsimiititaliamit piniarneqassapput.</p>	<p><b>1. § 18</b> ima oqaasertaqassaaq: ” <b>§ 18.</b> Kukkunersiuinermut Ataatsimiititaliap Nunatta Karsiata naatsorsuutai kukkunersiuisullu taakkununnga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni. Ataatsimiititaliap apeqqutit oqaaseqaataalu Naalakkersuisut akissutaat ilanngullugit Inatsisartunut saqqummiunneqassapput.</p> <p><i>Imm. 2.</i> Ataatsimiititaliap qaqugukkulluunniit uku pillugit misissuinermit aallartitsisinnaavoq oqaluuserinnissinnaalluniluunniit:</p> <p>1) aningaasat aqunneqarneranni suliffeqarfiillu naatsorsuutitut ilaatinneqartut ingerlanneqarneranni aningaasanut tunngasutigit isiginiagassat naapertuuttumik isiginiarneqarsimanersut, aamma</p> <p>2) iliutsit naatsorsuutit saqqummiunneqarnerinut ilaatinneqartut aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasunut nalinginnaasumillu suleriaatsimut naapertuuttuunersut.</p> <p><i>Imm. 3.</i> Ataatsimiititaliap sapinngisamik piarnerpaamik Naalakkersuisut periarfississavaat nassuiaatit, nalunaarusiat immikkullu ilisimasalinnit naliliinerit il.il.</p>

	<p>ataatsimiititaliap imm. 2 malillugu pissarsiarisimasaasa oqaluuseriniarlugilluunniit aalajangersimasaasa oqaaseqarfiginissaanut. <i>Imm. 4.</i> Ataatsimiititaliaq, ataatsimiititaliap tamanna pisariaqartippagu, Nunatta Karsiata naatsorsuutai pillugit isumaliutissiissuteqarnissaq utaqqinngikkaluarlugu ingerlatsinermik misissuineq imm. 2-mut ilaatinneqartoq pillugu Inatsisartunut ilisimatitsissuteqarsinnaavoq. <i>Imm. 5.</i> Ataatsimiititaliap qinnuteqarneratigut paasissutissat atortussallu suugaluartulluunniit imm. 1-2 tunngavigalugit ataatsimiititaliap suliassaanik ataatsimiititaliap isumaginninneranut pingaarutillit Naalakkersuisut nalunaarutigisassavaat tunniuttassallugillu. <i>Imm. 6.</i> Ataatsimiititaliamut ilaasortap ikinnerpaamik ataatsip tamanna piumasarippagu imm. 5 malillugu paasissutissanik atortussanillu ataatsimiititaliaq pissarsiniassaaq.”</p>
<p>§ 19, imm. 1:  Namminersorlutik Oqartussat aktiaatilitut soqutiginninnera Naalakkersuisut qanoq isumaginninnerannik Nunap karsiata Naatsorsuutaasa Kukkunersiorneqartarnerannut Ataatsimiititaliaq aamma nakkutilliisuvoq.</p>	<p><b>2.</b> § 19, imm. 1, ima oqaasertassaaq: ” Namminersorlutik Oqartussat aktiaatilitut soqutigisaannik Naalakkersuisut qanoq isumaginninnerat Kukkunersiuinermut Ataatsimiititaliap taamatutaaq nakkutigissavaa.”</p>

	<b>§ 2</b> Inatsisartut inatsisaat ulloq 1. juli 2021 atuutilerpoq.
--	---

### **3. Pisortanut aningaasatigut allaffissornikkullu kingunerisassai**

Siunnersuut inatsiseqartitsinikkut inissisimaneruo atuutereersup erseqqissarneqarneranik taamaallaat kinguneqassaaq, taamaalilluni pisortanut aningaasatigut allaffissornikkulluunniit kinguneqassanani.

Kukkunersiuiernerut Ataatsimiititaliaq aningaasaliissutinut killiliussat Inatsisartut Siulittaasoqarfiannit aalajangersarneqartut iluanni imaluunniit erseqqinnerusumik immikkut Inatsisartut Siulittaasoqarfiannit akuerineqarluni misissuineranut, tassunga ilanngullugu ingerlatsinermik kukkunersiuiernerut aamma inatsisit eqqarsaatigalugit isornarsinnaasunik kukkunersiuiernerut, aningaasartuuteqarsinnaajuassaaq.

### **4. Inuussutissarsiornermut aningaasatigut allaffissornikkullu kinngunerisassai**

Siunnersuut inuussutissarsiornermut kinguneqassanngilaq.

### **5. Avatangiisinut, pinngortitamut innuttaasullu peqqissusiannut kingunerisassai**

Siunnersuut avatangiisinut, pinngortitamut innuttaasulluunniit peqqissusiannut kinguneqassanngilaq.

### **6. Innuttaasunut kingunerisassai**

Siunnersuut innuttaasunut aningaasatigut allaffissornikkulluunniit kinguneqassanngilaq.

### **7. Kingunerisassat pingaarutillit allat**

Siunnersuut pingaarutillinik allanik kinguneqassanngilaq.

### **8. Oqartussanik suliniaqatigiiffinnillu il.il. tusarniaaneq**

Siunnersuut piffissami 3. - 17. november 2020-mut Naalackersuisut Siulittaasuata Naalackersuisoqarfianut, Aningaasaqarnermut Naalackersuisoqarfimmut, Qitiusumik Naatsorsuuserisoqarfimmut DcR-imut kiisalu Deloittemut tusarniaatigineqarsimavoq.

Tusarniarneqartut akissuteqarnissamut piffissarititap sivitsorneqarnissaanik isumaqatigiissuteqarnissaminnut periarfissinneqarsimapput. Tamanna pisariaqartinneqarsimannngilaq.

Siunnersuut tamanut tusarniaatigineqarsimannngilaq, aallaavittut innuttaasut inatsiseqartitsinikkut inissisimanerannut sunniuteqartussaannngimmat, taamaallaallu Inatsisartut Naalakkersuisullu akornanni suleqatigiinnermut, kiisalu susasaqartunut taakkununga marlunnut suliassarititaasunut atugassarititaasunullu, tunngammat.

Siulittaasup Naalakkersuisoqarfianit, Aningaasaqarnermut Naalakkersuisoqarfimmit kiisalu DcR-imit akissutinik tigusaqartoqarpoq. Tusarniarneqartut taakku taakku arlaannaalluunniit inatsisissatut siunnersuummut oqaaseqaatissaqarsimanngillat.

### **Siunnersummi aalajangersakkanut ataasiakkaanut nassuiaatit**

#### *§ 1-imut*

Nr. 1-imut

Aalajangersakkami Kukkunersiuinermut Ataatsimiititaliap suliassai piginnaatitaanerilu malittarisassaqartinneqarput (Inatsisartut inatsisaanni atuuttumi § 19 peqatigalugu).

(§ 18, imm. 1-imut)

Aalajangersakkami Nunatta Karsiata naatsorsuutaanik taakkunungalu kukkunersuiisup oqaaseqaataanik Kukkunersiuinermut ataatsimiititaliap ukiumoortumik misissuataarisarnera pineqarpoq.

Aalajangersakkami oqaaseqatigiinni siullerni aalajangersarneqarpoq Kukkunersiuinermut Ataatsimiititaliap nunatta karsiata naatsorsuutai kukkunersuisullu taakkununga oqaaseqaataat ukiumut ataasiarluni misissortassagai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni.

§ 18, imm. 1, oqaaseqatigiit siulliit ingerlateqqinneqarneranut pineqarpoq, taamaallaat uku allannguutigalugit:

Inatsisartut inatsisaanni ataatsimiititaliamut taaguutip maannamut atorneqartup ("Nunap karsiata Naatsorsuutaasa Kukkunersiorneqartarnerannut Ataatsimiititaliaq")

---

UKIU 2021/ 134

Suliaq nr.: 01.25.01/21VM-LABU-00134

”Kukkunersiuinermut Ataatsimiititaliaq”-mut allanngortinneqarnissaa siunnersuutigineqarpoq, ulluinnarnimi ataatsimiititaliaq taamatut taaneqartarmat, taamatullu aamma Inatsisartut Suleriaasianni taaguutitut atorneqarluni.

Inatsisartut kukkunersiuisuata oqaaseqaataasa ataatsimiititaliap Naalakkersuisunut apeqqutaanut oqaaseqaataanullu tunngaviusunut (erseqqissumik) ilanngunneqarnissaat siunnersuutigineqarpoq.

Aalajangersakkap siunnersuutigineqartup ilusilerneqarneranut tunngaviusoq Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39-ip 1. januar 2018-imi atuutilerneratigut kukkunersiuisoq Inatsisartut toqqagaat pisussaaffilerneqarmat pisortani kukkunersiuinermi ileqqussat pitsaasut naapertorlugit Nunatta Karsiata naatsorsuutaanik kukkunersiuisarnissamik.

Tamatuma malitsigaa kukkunersiuisup Inatsisartut toqqagaata ukiumoortumik naatsorsuutininik kukkunersiuineranut atatillugu kukkunersiuisup akisussaaffigimmagu qulequttanik toqqakkanik *inatsisit eqqarsaatigalugit isornarsinnaasunik kukkunersiuinermik* (tassani pineqarluni iliuutsit naatsorsuutit saqqummiunneqarnerinut ilaatinneqartut aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasunut nalinginnaasumillu suleriaatsimut naapertuunnerannik nalilinneq) aamma *ingerlatsinermik kukkunersiuineq* (tassani pineqarluni aningaasaliissutit aqunneqarneranni suliffeqarfiillu naatsorsuutitut ilaatinneqartut ingerlanneqarneranni naapertuuttumik aningaasaqarniarnikkut isiginiagassat isigineqarneqarsimanerannik naliliineq, tassunga ilanngullugu atuillaarsinnaassuseq, naammassisaqarsinnaassuseq angusaqarsinnaassuseqarnerlu siuarsarniarlugit iliuusaasinnaasunik tulluurtunillu iliuuseqartoqarsimansoq naliliineq) ingerlatsinissaq. Kukkunersiuisup suliat ingerlanneqartut tunngavigalugit inerniliuppagu pingaarutilinnik isornartunik oqaaseqaateqarnissamut pissutissaqartoq, kukkunersiuisup tamanna naatsorsuutit eqqortumik takutitsinnerannik nalunaarummini nalunaarutigissavaa.

Ilanngullugu Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39-mi – pissutsinut kukkunersiuinermi misissorneqartussanut assersuutitut – aalajangersarneqarpoq kukkunersiuisut ”*pissutsit naatsorsuutininik saqqummiussinermi pineqartut aningaasaliissutinut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunnersut*” misissortassagaat. Aalajangersakkap ilaa taanna Namminersornerullutik Oqartussat naatsorsuuseriveqarnerat il. il. pillugit Inatsisartut inatsisaanni nr. 23-mi, 3. november 1994-imeersumi § 5, imm 2-mit allanngortinnagu ingerlateqqitaavoq.



Aalajangersakkakut siunnersuutigineqartukut taamaalilluni siunertarineqarpoq ataatsimiititaliap Nunatta Karsiata naatsorsuutaanik ukiumoortumik misissuataarinninnera naliliineralu tassaannaangitsoq aningaasanut tunngasunik kukkunersiuineq, kisiannili aamma – kukkunersiuisoq taakkununga oqaaseqaateqarsimapput – ingerlatsinermik kukkunersiuineq aamma inatsisit eqqarsaatigalugit isornarsinnaasunik kukkunersiuineq ilaasut.

Aalajangersakkami oqaaseqatigiit aappaanni ataatsimiititaliap apeqputai oqaaseqaataalu Naalackersuisut akissutaat ilanngullugit Inatsisartunut saqqummiunneqartassat aalajangersarneqarpoq. § 18, imm. 1, oqaaseqatigiit aappaata atuuttup imarisamigut allanngortinnagu ingerlateqqinneqarnera pineqarpoq.

Inatsisartunut saqqummiussineq ukiumut pineqartumut Nunatta Karsiata naatsorsuutaasa akuerineqarnissaannik Inatsisartut aalajangiiffigisassaattut siunnersuummut ataatsimiititaliap isumaliutissiissuteqarneratigut pisarpoq.

(§ 18, imm. 2-mut)

Aalajangersakkakut aalajangersarneqarpoq Kukkunersiuinermut Ataatsimiititaliaq *qaqugukkulluunniit* misissuinerinik nr. 1-imi 2-milu taaneqartunik (ingerlatsinermik kukkunersiuilluni misissuinerinik, taamatullu aamma inatsisit eqqarsaatigalugit isornarsinnaasunik kukkunersiuilluni misissuinerinik) aallartitsillutilluunniit oqaluuserinnissinnaasut. Oqaasertaliinikkut siunnersuutigineqartukut misissuinerit ukiumi naatsorsuuteqarfiusumi ingerlasumi (naammassineqanngitsumi), taamatullu aamma siuliini (naammassineqarsuni) pissutsinut tunngasinnaanerisa erseqqissarneqarnissaat siunertarineqarpoq. Ass. 2001-imi pissutsinik misissuineq taamaalilluni 2001-imi ingerlanneqarsinnaavoq, 2001-imullu Nunatta Karsiata naatsorsuutaanik ataatsimiititaliap oqaluuserinninnissaa utaqqineqartariaqarani.

Tamanna maannamut suleriaasiusumut naapertuuppoq.

Misissuinerit ataatsimiititaliap qaqugukkulluunniit aallartissinnaasai oqaluuserisinnaasaaluunniit siullermik tassaapput aningaasat naatsorsutinut ilaasat nakkutigineqarnerani suliffeqarfiillu naatsorsutinut ilaasut ingerlanneqarneranni aningaasatigut isiginiagassat naapertuuttumik isiginiarneqarsimanersut misissorneqarneri ("Ingerlatsinermik kukkunersiuineq"). Aalajangersakkap ilaa taanna (imm. 2, nr. 1) § 18, imm. 2, oqaaseqatigiinnut siullernut atuuttunut naapertuuppoq.

”Aningaasanut tunngasutigut isiginiagassat naapertuuttumik isiginiarneqarsimanerat” isumaqarpoq atuilluarsinnaassuseq, naammassisaqarsinnaassuseq angusaqarsinnaassuseqarnerlu siuarsarniarlugit iliusaasinnaasunik tulluurtunillu iliuseqartoqarsimasoq.

Misissuinerit ataatsimiititaliap qaqugukkulluunniit aallartissinnaasai oqaluuserisinnaasaaluunniit aappaattut (imm. 2, nr. 2 naapertorlugu) tassaapput, iliutsit naatsorsuutit saqqummiunneqarnerinut ilaatinneqartut aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasunut nalinginnaasumillu suleriaatsimut naapertuunnerinik misissuinerit (Inatsisit eqqarsaatigalugit isornarsinnaasunik kukkunersuineq).

”Iliutsit”-nik oqarnermi pineqarput ingerlatsinermi aalajangiinerit, isumaqatigiissuteqarnerit alloriarnerillu allat piumasagaatinik pisinnaatitaaffinnilluunniit pilersoqarneranik malitsillit.

Pisortani susassaqtut ataasiakkaat iliuseqarneri tamatigut (ilaatigulli tamanna pisariaqartarani) aningaasaliissuteqartoqarsimanissaanik piumasagaatitaqarput. Ingerlatsinermi aalajangiinertut iliuseqarnerit taamatuttaaq inatsisiliornerni tunngaveqartussaapput, tamatumalu saniatigut nalinginnaasumik malittarisassat pisortat ingerlatsinerannut atuuttut naapertorlugit ingerlanneqarsimasussaallutik.

Iliutsip naatsorsuutit saqqummiunneqarneranut ilaatinneqarnissaata malitsigaa piumasarineqarmat iliutsip isertitanut aningaasartuutinulluunniit sunniuteqarsimanissaa imaluunniit ingerlatamut aningaasaliiffigineqarsimasumut (ass. suliassaqarfiup, assersuutigalugu avatangiisinut tunngasut, ingerlanneqarnerata) ersersitsisuunissaa.

Malittarisassanik unioqputitsinerit inatsisit eqqarsaatigalugit isornarsinnaasunik kukkunersuinerimut atatillugu paasineqartut, ukiumi naatsorsuutini paasissutissat eqqortuunerannut pinngitsooratik pingaaruteqartariaqanngillar.

Ingerlatsinermik kukkunersuilluni misissuinerit aamma inatsisit eqqarsaatigalugit isornarsinnaasunik kukkunersuilluni misissuinerit Kukkunersuinerimut Ataatsimiititaliamit aallartinneqartut ataatsimut ”Ingerlatsinermik kukkunersuilluni misissuinerinik annertusisatut” imaluunniit ”Misissuinerit annertunerusutut” taaneqakkajupput.

Kukkunersuinerimut Ataatsimiititaliap nalinginnaasumik misissuinerit taamaattut kukkunersuisoq Inatsisartut toqqagaat aqputigalugu aallartittaraluarpaat. Pingaartumilli inatsisit eqqarsaatigalugit isornarsinnaasunik kukkunersuilluni misissuinerit eqqarsaatigalugit

periarfissatut allatut pisuni ataasiakkaani eqqartuussissuserisoq allatulluunniit inatsilerinermik immikkut ilisimasalik aqqutigalugu misissuinerik aallartitsisoqarsinnaavoq.

Oqaasertaliussassatut siunnersuutigineqartup ”aallartitsisinnaavoq *oqaluuserinnissinnaalluniluunniit*” siunertaraa nassuiaatit, nalunaarutit immikkullu ilisimasalinnit naliliinerit il.il. ataatsimiititaliap nammineq kukkunersiuisumut Inatsisartut toqqagaannut imaluunniit ass. eqqartuussissuserisumut suliaritissimasai kisiisa tunngavigalugit pissutsinik nalilersuisussaanninnerata erseqqissarneqarnissaa. Ataatsimiititaliap taamaalilluni aamma nassuiaatit, nalunaarutit immikkullu ilisimasalinnit naliliinerit il.il. *Naalakkersuisut* ass. kukkunersiuisumut Inatsisartut toqqagannut eqqartuussissuserisumulluunniit suliaritissimasaat tunngavigalugit pissutsit nalilersorniarlugit oqaluuserisinnaavaat.

Ataatsimiititaliap nammineq naliligassarissavaa misissuineq il.il. *Naalakkersuisut* suliniuteqarneratigut aallartinneqarsimasoq pissutsinik ataatsimiititaliap naliliinissaanut tunngavissaanersoq naleqquttoq naammattorlu. Pingaartumik misissuisitsineq taamaattoq kukkunersiuisumit Inatsisartut toqqagaannit ingerlanneqarsimatinnagu, ataatsimiititaliap tamatumunnga naliliinera ilaatigut tunngeqartussaavoq misissuinerimi suliasarititaasut sukumiinerusumik ilusilersorneqarsimanerannik, taamatullu aamma paasissutissanik *Naalakkersuisut* misissuinermit atugassiisutigisimasaannik.

Ataatsimiititaliap isumaqarpat misissuineq il.il. *Naalakkersuisut* suliniuteqarneratigut aallartinneqarsimasoq pissutsinik pineqartunik ataatsimiititaliap naliliinissaanut tunngavissatut naleqqunnilu amigartoq, taava ataatsimiititaliap nammineq misissuinerimik aallartitsisinnaassaaq.

(§ 18, imm. 3)

Aalajangersakkami aalajangersarneqarpoq ataatsimiititaliap sapinngisamik piaarnerpaamik *Naalakkersuisut* periarfissisagaat nassuiaatit, nalunaarusiata immikkullu ilisimasalinnit naliliinerit il.il. ataatsimiititaliap imm. 2 malillugu pissarsiarisimasaasa oqaluuseriniarlugilluunniit aalajangersimasaasa oqaaseqarfiginissaannut.

Aalajangersakkakkut § 18, imm. 2, oqaaseqatigiit aappaat allanngortinnagu ingerlatiinnarneqarpoq.

Aalajangersakkami nutaatut erseqqissarneqarpoq Naalakkersuisut periarfissinneqassasut nassuiaatit, nalunaarusiat immikkullu ilisimasalinnit naliliinerit il.il. pineqartut *oqaaseqarfiginissaannut*. Tamanna maannamut suleriaasiusumut naapertuuppoq.

Ataatsimiititaliaq Naalakkersuisut oqaaseqaateqarnissaannut piffissaliisinnaavoq. Taamaattoqassappat naapertuuttumik piffissaliisoqartariaqarpoq Naalakkersuisut kukkunerusinnaasut paatsuinerusinnaasullu uparuarneqarnissaannut imaluunniit naliliinerit, kaammattuutit inerniliinerillu isummerfiginissaat siunertaralugu nassuiaatip nalunaarutilluunniit pineqartup misissuataarneqarnissaanut pisariaqartumik piffissalerlugit.

§ 18, imm. 2, oqaaseqatigiit aappaanni atuuttumi aalajangersarneqarpoq nassuiaatit, nalunaarusiat il.il. pineqartut *tiguneqarnermik kinguninngua Naalakkersuisunut nassiunneqassasut*. Taamatut oqaasertaliisimanermi eqqarsaatigineqarsimanngilaq ataatsimiititaliap aalajangersinnaammagu nassuiaat nalunaarusiarluunniit Naalakkersuisut namminneq suliaritissimasaat taamalu namminneq pigeriigaat oqaluuseriniarlugu.

§ 18, imm. 3-p oqaasertalernerneqarnissaanut siunnersuummi nassuiaatit nalunaarusiallu taamaattut aamma oqaaseqarfiginissaannut Naalakkersuisut periarfissinneqarnissaat isiginiarneqarsimavoq.

”*Sapinngisamik piaarnerpaamik*” oqaasertaliineq toqqarneqarsimavoq nassuiaatit nalunaarusialluunniit Naalakkersuisunit suliaritinneqarsimasut eqqarsaatigalugu ataatsimiititaliaq pisariaqartumik piffissaqartariaqarmat paasiniassallugu aalajangissallugu, nassuiaat nalunaarulluunniit pissutsinik pineqartumik ataatsimiititaliap oqaluuserinninneranut tunngavissaanersut naleqquttut naammattullu, imaluunniit ataatsimiititaliaq periarfissatut allatut misissuinermik nammineq aallartitsissanersoq.

Pineqartumi kingullermi nassuiaammut nalunaarsiamulluunniit Naalakkersuisut suliaritissimasaannut Naalakkersuisut oqaaseqaataannik pissarsiniarnissaq pisariaqartussaangilaq, taamattoqarpammi taanna pissutsinik pineqartunik ataatsimiititaliap oqaluuserinninneranut tunngaviusussaangimmat.

(§ 18, imm. 4-mut)

Aalajangersakkami aalajangersarneqarpoq ataatsimiititaliaq, ataatsimiititaliap tamanna pisariaqartippagu, Nunatta Karsiata naatsorsuutai pillugit isumaliutissiissuteqarnissaq utaqqinngikkaluarlugu ingerlatsinermik misissuineq imm. 2-mut ilaatinneqartoq pillugu Inatsisartunut ilisimatitsissuteqarsinnaasoq.

Aalajangersagaq nutaajuvoq maannakkumulli suleriaatsimut naapertuulluni. Kukkuersiuerimut Ataatsimiititaliap taamaalilluni ass. 2015-imi avaleraasartoortassiissutit pillugit inatsisit eqqarsaatigalugit isornarsinnaasunik kukkuersiuiullu misissuiermik ataatsimiititaliap oqaluuserinninnera, aamma 2020-mi nipisattassiissutinik Naalakkersuisut qaffaanerannut atatillugu peqataasinnaaneq pillugu eqqartuussissuserisup misissuisimaneranik ataatsimiititaliap oqaluuserinninnera pillugit Inatsisartut immikkut ilisimatinneqarsimapput.

Akuttunngisumik pissutsit imaassinnaapput naalakkersuinikkut isiginiagassat, taamatullu aamma Naalakkersuisunut ilaasortap akisussaasup isiginiarneqarnissaa, eqqarsaatigalugit pitsaannerusooq Nunatta Karsiata naatsorsuutai pillugit isumaliutissiissuteqarnissaa utaqqinngikkarlugu ataatsimiititaliap Inatsisartunut ilisimatitsissuteqarpat.

Ataatsimiititaliap tamanna pisariaqalerpat qanoq ilusilerlugit Inatsisartunut ilisimatitsissuteqassanersoq aalajangersakkami malittarisassaqaartinneqanngilaq. Ilisimatitsissuteqarneq taamaalilluni assersuutigalugu nalunaaruteqarnikkut pisinnaavoq, kisianni aamma assersuutigalugu ilisimatitsissuteqarluni allakkiastut pisinnaalluni.

(§ 18, imm. 5-imut)

Aalajangersakkami aalajangersarneqarpoq ataatsimiititaliap qinnuteqarneratigut paasissutissat aamma allakkatigut qarasaasiatigullu atortussat suugaluartulluunniit imm. 1-2 tunngavigalugit ataatsimiititaliap suliassanik ataatsimiititaliap isumaginninneranut pingaarutillit Naalakkersuisut nalunaarutigisassagaat tunniuttassallugillu.

Aalajangersakkap § 18, imm. 3, oqaaseqatigiit siulliit atuuttut taarserpai. Tassani aalajangersarneqarpoq ataatsimiititaliap suliaminut atugassatut atortussat pisariaqartut, naatsorsuutitut uppersaait, nalunaarusiat il.il. oqartussamit naatsorsuuserisumit piniarsinnaagai.

Oqaasertaliinikkut siunnersuutigineqartukku siunertarineqarpoq ataatsimiititaliap paasissutissanik atortussanillu piumasaqarsinnaanerata taamaallaat aningaasaut tunngasunik kukkuersiuerimut tunngaannarani, kisialli aamma ingerlatsinerimut kukkuersiuerimut aamma inatsisit eqqarsaatigalugit isornarsinnaasunik kukkuersiuerimut atatillugu tunnganerata erseqqissarneqarnissaa.

Aalajangersagaq Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 40-mik tapertaqaartinneqarpoq, Inatsisartut inatsisaanni aamma tassani § 39-mut sanilliullugu.

§ 40 i Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 40-mi aalajangersarneqarpoq Naalakkersuisut paasissutissanik suugaluartunik naatsorsuutit naliliiffiginissaannut pisariaqartinneqartunik kukkunersiuisunut nalunaaruteqartassasut.

Inatsisartut inatsisaani tassani § 39, imm. 1-imi aalajangersarneqarpoq Nunatta Karsiata naatsorsuutai pisortani *kukkunersiuiinermi ileqqussat pitsaasut* naapertorlugit kukkunersiuisup kukkunersiortassagai, tamatumunngalu ilanngullugu Nunatta Karsiata naatsorsuutaanut tunngatillugu atortussat isornartorsiuisumik misissortassallugit. Tamatumunnga ilanngullugu kukkunersiuisup naatsorsuutit eqqortuunersut, taamatullu aamma iliuutsit naatsorsuutininik saqqummiussinermi ilaatinneqartut *aningaasaliissutinut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunnersut* misissortassavai.

Kiisalu Endelig er det i § 39, stk. 2, i Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 2-imi aalajangersarneqarpoq kukkunersiuisoq Inatsisartut kukkunersiuiinermut tunngatillugu piunasaqaataanik malinnissasoq, piunasaqaatit inatsimmut aamma pisortani kukkunersiuiinermi ileqqussanut pitsaasunut akerliunngippata.

Kukkunersiuiinermut Ataatsimiititaliaq taamaalilluni kukkunersiuisoq Inatsisartunit toqqarneqarsimasoq aqqutigalugu periarfissaqarpoq “paasissutissanik suugaluartunilluunniit naatsorsuutit nalilerneqarnissaannut pisariaqartunik” pissarsiniarnissaminut, tamatumunngalu ilanngullugu iliuutsit naatsorsuutit saqqummiunneqarnerinut ilaatinneqartut aningaasaliissuteqarnermi tunngaviusut, inatsisinut peqqussutinullu allanut il.il. naapertuunnersut misilinneqarnissaannut.

Aalajangersakkakut siunnersuutigineqartukut (§ 18, imm. 3, oqaaseqatigiit siulliit atuuttut assigalugit) ataatsimiititaliaq periarfissinneqarpoq *nammineq* (tassa kukkunersiuisoq Inatsisartunit toqqarneqarsimasoq peqataatinngikkaluarlugu) Naalakkersuisunit atortussanik pissarsiniarnissamut. Aalajangersagaq kukkunersiuiilluni misissuineramik aallartitsinissaq pissutissaqarnersoq imaluunniit misissuineq Naalakkersuisunit aallartinneqarsimasoq pissutsinik pineqartunik ataatsimiititaliap oqaluuserinninneranut tunngavigissallugu naleqqunnersoq naammannersorluunniit paasiniarlugu suliap aallartisarneqarnerani pingaartumik namminerisaminik isumaqarsimavoq.

Tamatuma saniatigut aalajangersagaq namminerisaminik isumaqarpoq, tassa ataatsimiititaliap inatsisit eqqarsaatigalugit isornarsinnaasunik kukkunersiuilluni misissuineq allanut kukkunersiuusumut Inatsartut toqqagaannuunngitsoq isumagisassanngortikkaangagu.

Aalajangersagarli aamma atorneqarsinnaavoq ataatsimiititaliap kukkunersiuilluni misissuinermit atatillugu paasissutissanik atortussanillu ilassutaasunik pissarsinissani kissaatigippagu, soorlu aamma Nunatta Karsiata naatsorsuutaasa ataatsimiititaliami oqaluuserineqarnerinut atatillugu aalajangersagaq atorneqarsinnaasoq.

Tamanna maannamut suleriaasiusumut naapertuuppoq.

Aalajangersagassatut siunnersuutigineqartukut Kukkunersiuinermit Ataatsimiititaliaq periarfissinneqarpoq paasissutissat atortussallu suugaluartulluunniit *imm. 1-2 tunngavigalugit ataatsimiititaliap suliaasaanik ataatsimiititaliap isumaginninnerannut pingaarutillit* pissarsiarisinnaanissaannut, tamatumani siullertut pineqarlutik Nunatta Karsiata naatsorsuutaasa kukkunersiuusullu tassunga oqaaseqaataannik ataatsimiititaliap misissuutaarineranut atatillugu, aappaattullu ingerlatsinermik kukkunersiuilluni misissuinermit aamma inatsisit eqqarsaatigalugit isornarsinnaasunik kukkunersiuilluni misissuinermit ataatsimiititaliap aallartitsineranut suliarinninneranulluunniit atatillugu.

Aalajangersagassatut siunnersuutigineqartoq malillugu Naalackersuisut atortussanik ataatsimiititaliamut tunniussisarnissamik pisussaaffiannut *atortussat suugaluartulluunniit* ilaatinneqarpuq. Taamaalilluni pisussaaffik tamanna naatsorsuutitut uppernarsaatitut imaluunniit atortussanut allanut aningaasanut tunngasutigut kukkunersiuinermit attuumassutilinnut killilerneqanngilaq. Tamatumunnga pissutaavoq ataatsimiititaliaq nakkutilliusussaatitaammat ingerlatsinermik kukkunersiuilluni misissuinermit aamma inatsisit eqqarsaatigalugit isornarsinnaasunik kukkunersiuilluni misissuinermit aallartitsinikkut oqaluuserinninnikkulluunniit, taamatullu aamma Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1 tunngavigalugu kukkunersiuusup Inatsisartut toqqagaata Nunatta Karsiata naatsorsuutaanik kukkunersiuineranut aamma ingerlatsinermik kukkunersiuineq taamatullu aamma inatsisit eqqarsaatigalugit isornarsinnaasunik kukkunersiuineq tamarmik ilaammata.

Naalackersuisut atortussanik ataatsimiititaliamut tunniussisarnissamik pisussaaffiannut aamma ilapput atortussat qarasaasiani taamaallaat pigineqartut, ass. qarasaasiakkut allakkat (e-mailit).

Aamma atortussat Pisortat ingerlatsinerat pillugu paasitineqarsinnaatitaaneq pillugu Inatsisartut inatsisaat tunngavigalugu innuttaasut paasitineqarsinnaatitaanerannut ilaatinneqanngitsut (tassunga ilanngullugit ass. Naalakkersuisut isummernissaannut tunngavissiat, Naalakkersuisut ataatsimiinnerinit imaqarniliat, sulinermut atatillugu allagaatit nammineq atugassat, taamatullu aamma eqqartuussivinni suliassani atugassatut imaluunniit eqqartuussivitsigut suliassanngortitsisoqarsinnaanerata isumaliutigineqarneranut atatillugu immikkut ilisimalinnik allakkatigut attaveqatigiittarnerit) Naalakkersuisut ataatsimiititaliamut tunniussisussaataitaanerannut ilaapput.

Aalajangersakkakkut siunnersuutigineqartukku Naalakkersuisut pisussaaffilerneqarput ataatsimiititaliap qinnuteqarneratigut paasissutissat atortussallu taamaattut tunniuttarnissaannut. Taamatut oqaasertaliinikkut Naalakkersuisunut ilaasortat akisussaanerata pillugu Inatsisartut inatsisaanni § 6, imm. 2 tunngavigalugu Naalakkersuisut qinnuigineqaratik paasissutissanik suliap Inatsisartunit naliliivigineqarnissaanut annertuumik pingaaruteqartunik Inatsisartunut malugeqqusisinnaanerannik pisussaaffiannik killiliinissaq siunertarineqanngilaq.

Aalajangersakkakkut atuuttukku ataatsimiititaliap ”atortussat pisariaqartut, naatsorsuutitut uppernarsaatit, nalunaarusiat il.il. oqartussamit naatsorsuuserisumit” piniarsinnaavai. Taamatut oqaasertaliisimaneq Inatsisartut Naalakkersuisullu pillugit Inatsisartut inatsisaanni nr. 11-mi, 20. oktober 1988-imeersumi § 17-imit ingerlateqqitaavoq oqaluttuarisaanermillu tunngaveqarluni. ”Oqartussat naatsorsuuserisut” – pinngitsoorani aallaqqaammut – ”Oqartussatut naatsorsuuserisutut pineqartutut” atuarneqartussaasimavoq, tassami Namminersornerullutik Oqartussat 1988-imi naatsorsuuserisoqarfimmik qitiusumik suli pilersitsisimangimmata.

Taamatut oqaasertaliisimaneq § 18, imm. 5-ip oqaasertalerneqarnissaanut siunnersuummi ingerlateqqinneqanngilaq.

Tamatumunnga siullertut pissutaavoq taamatut oqaasertaliisimaneq imatut atuarneqarsinnaammat naalakkersuisunut ilaasortaq akisussaasuusoq avaqqutiinnarlugu allaffeqarfimmit toqqaannartumik paasissutissanik atortussanillu pissarsiniarnissamut piginnaatitaanertut. Inatsiseqartitsinikkut taamatut inissisimaneq nalorninarartoqartussaavoq. Naalagaaffiup aqunneqarneranut tunngaviusumik inatsit eqqarsaatigalugit allaffeqarfimmut ministerip inatsisitigut inatsisartunullu akisussaanerata malitsigisaatut taamaalilluni naatsorsuutigineqartarpoq, ministerip akisussaaffeqarfiata iluani inatsisartuni ilaasortanit ataatsimiititalianillu apeqqutit ministerimut ingerlatinneqarnissaat ministerip naatsorsuutigisinnaasariaqaraa.



Taamatut oqaasertaliisimanerup ingerlateqqinneqannginneranut pissutaasoq alla tassaavoq Naalakkersuisut Siulittaasuata Inatsisartut Naalakkersuisullu pillugit Inatsisartut inatsisaanni § 23, imm. 1 tunngavigalugu Naalakkersuisunut ilaasortat akornanni suliaasaqarfiit agguataartartarmagit, taamalu piginnaatitaalluni aaqquissuussinermik aalajangersaanissaminut, tassuuna Naalakkersuisunut ilaasortaq alla kinaagaluartorluunniit aqquutigalugu ataatsimiititaliaq paasissutissanik atortussanillu pissarsiniartartussanngorlugu.

Ataatsimiititaliap ulluinnarni sulinermini maannamut Aningaasaqarnermut Naalakkersuisoq aqquutigalugu Nunatta Karsiata naatsorsuutai pillugit atortussanik (paasissutissanillu) pissarsiniartarpoq, ingerlatsinermik kukkunersiuinermut aamma inatsisit eqqarsaatigalugit isornarsinnaasunik kukkunersiuinermut atatillugu atortussat (paasissutissallu) Naalakkersuisunut ilaasortaq misissorneqartumut akisussaasuusoq aqquutigalugu pissarsiarineqartarlutik.

Nr. 2-mut.

Inatsisartut inatsisaanni ataatsimiititaliamut taaguutip maannamut atorneqartup ("Nunap karsiata Naatsorsuutaasa Kukkunersiorneqartarnerannut Ataatsimiititaliaq") "Kukkunersiuinermut Ataatsimiititaliaq"-mut allanngortinneqarnissaa siunnersuutigineqarpoq, ulluinnarnimi ataatsimiititaliaq taamatut taaneqartarmat, taamatullu aamma Inatsisartut Suleriaasianni ataatsimiititaliamut taaguutitut atorneqarluni.

Tamatuma saniatigut aalajangersakkakut § 19, imm. 1 atuuttoq imarisamigut allannguuteqartinnagu ingerlateqqinneqarpoq.

#### *§ 2-mut*

Aalajangersakkami piffissaq siunnersuutip atuutilerfissaa taaneqarpoq. Inatsimmik allanngortitsinerup 1. juli 2021-mi atuutilernissaa siunnersuutigineqarpoq.